

» Veniexia queste tute chose sonò; et anchora quello alega molti diti di Vanzeli, de Sa-
 » lamon, e altri savj homeni, tra i qual diti luy dise, el Regno devixo va in dexolacion,
 » e la pizola chosa unida è in exaltacion: e da puo vene a choncluder, chomo luy jera
 » per la chomunitade de Verona mandado ala Dogal Signoria de Veniexia per ambasia-
 » dore e sindicho, e che el piaxese a la Dogal Signoria far liezer la letera che lui ly
 » aveva dado: et fo leta la letera, la qual sy rachomandava uno sindichado fato per man
 » d'uno Noder de Verona ady 3 de luio, in lo qual Sindichado se contegniva, chomo
 » ady 3 de luio clamado el puovolo de Verona al son d'una campana, asemblado, le do
 » parte feno so gran chonseio, e per la mazior parte de quei si feno 22 amba-
 » sadori e sindichi a la Dogal Signoria de Veniexia, li qual ambadori jera tuti nomena-
 » di su lo dito Sindachado, de quali Ambadori e Sindichi jera 7 (1) Chavalieri, e 5
 » Dotori, e 11 (2) del puovolo, i qual Ambadori e Sindichi deveve zurar per nome de
 » la chomunitade de Verona fedeltade ala Dogal Signoria de Veniexia; e leta la letera
 » sovradata, uno de Ambadori del Sindichado de' a Missier lo Doxe, e fo leto el Sindi-
 » chado per lo Nostro Chanzelier, in el qual Sindichado se contegniva le chose sovra
 » dite; e complido de lezer el Sindichado, el sovradito Misier Jachomo dy Favri fexe
 » una altra Renga, per la qual se contegniva, chomo per nome de la chomunitade de
 » Verona elo ly deva el sizelo, se bola i secreti, et altre chose schaze (3) al dito Cho-
 » mun de Verona, el qual sizelo dimostrava per letere, che l'aveva atorno, chomo la
 » Chomunitade de Verona jera amadori de paxie, e che per la divina gracia quei l'a-
 » veva dadi a la Dogal Signoria, la qual sovra tute quele del Mondo quela ama la paxe:
 » e complide le parole, anchora i diti donò al Dogal Dominio tre clave, ale qual Misier
 » Jachomo dy Favri dito de' do signification, l'uno significhava le tre porte principal de
 » Verona, zioè la porta de San Giorgio, la porta del Veschovado, la porta dy Chalzari;
 » l'altra signification, l'una significhava che quele jera tre clave, l'una granda, che signi-
 » fichava ly Chavalier, Dotori e Zentilomeni; l'altra clave mezana significhava i Mercha-
 » danti; la terza clave pizola significhava el puovolo menudo, el qual tuto el puovolo de
 » voluntade deva Verona a la Signoria de Veniexia. Anchora de' i diti Ambadori una
 » bandiera con una croxe blancha in el campo rosso, la qual jera l'insegna dy Zentilo-
 » meni de Verona, a la qual Misier Jachomo dy Favri de' do signification, zioè el bian-
 » cho significha puritade, el rosso significha amor; zioè che i zentilomeni se dà a la
 » Signoria de Veniexia con puritade et amor. Anchora deno i diti ambadori a Misier
 » lo Doxe un'altra bandiera con una croxe d'oro dentro in el campo azuro, la qual jera
 » l'insegna del puovolo de Verona, a la qual el sovradito Misier Jachomo di Favri de' do
 » signification, zioè l'oro trato da la natura del Sol, significha cholor; e lo azuro signi-
 » fica el Cielo, ch'è Firmamento; zioè, che el puovolo se dà ala Signoria de Veniexia
 » con cholor e fermeza. Anchora deno i diti Ambadori al nostro Doxie uno bacheto,
 » che significa la Signoria de Verona, al qual bacheto el dito Misier Jachomo dy Favri
 » de' tre signification, zioè l'una che l'era bianco, che significa puritade, zioè che i se
 » deva con puritade ala Signoria de Veniexia; l'altra che l'era longo, zioè, che y se
 » deva per longo tempo ala Signoria de Veniexia; la terza che l'era tondo, significan-
 » do, che el tondo non ha principio, nè mezo, nè fin, ala Signoria de Veniexia. E fenido
 » el so parlar, el dise, che tuti y Ambadori del Chomun de Verona jera apariadi de
 » zurar fedeltade ala Dogal Signoria de Veniexia sy per nome del Chomun de Verona,
 » chomo etiamdio in so spizialtade de loro: e allora fo avertò el libro del Vanzelista
 » Misier San Marcho, el qual ha le coverte d'oro lavorade de pere e de perle, sovra
 » el qual libro tuti 22 Ambadori dela chomunitade de Verona zura fedeltade a la Dogal
 » Signoria de Veniexia, e fo clamadi a uno a uno a zurar, i qual quando i zura, cha-

(1) (8. la Delfina).

(2) XI. *Mercedanti* (la Delfina).(3) *Acade* (la Delfina).